



## Universitätsbibliothek Paderborn

**De Vita, Et Gestis S. Francisci Xaverii È Societate Iesv  
Indiarvm Apostoli Libri Qvatvor**

**Bartoli, Daniello**

**Lvgdvni, 1666**

16. Vexatur ab Ataide Xauerius magno patientiæ documeuto.

**urn:nbn:de:hbz:466:1-10854**

tor inspecto Proregis diplome, cui cernebat obstat non posse absque offensa Maiestatis, cum nec suadens nec rogans, impetraret ut temo Pereiræ redderetur, statuerat eum vi tollere, nisi armatas, Ataides ei custodiendo abhibuisset excubias, veritusque Xauerius cruentam rixam, cognitorem orasset ea vi abstinere; mitiora se excoxitaturum quæ offensionis minus, efficientie forsitan plus essent habitura, fuere vero hæc Vicarium Suarez, Franciscum Perez, & alios grauitatis præcipua homines ad eum legare, qui Regis ad Xauerium literas ei perlegerent, quibus significabat suæ mentis esse, seque id mandare, ut ad quam maximam fidei propagationem in regnis Orientis, ministrorum suorum auxiliis omnibus vteretur; alteras deinde Proregis Indiarum, quibus decernebat Maiestatis reum, qui hanc nominatim legationem impediret. His Ataides in furorem actus, surgit, humumque pulsans, dum illuc se proripit, suum illud solitum occinit, Rationes regis id poscere, velle se id ita fieri, nec aliter fore.

16

Vexatur ab  
Ataide Xau-  
erius magno  
patientie do-  
cumento.

Xauerius itaque omnia expertus aduersus Ataidis pertinacem impiam que iniuriam; omnibus in cassum elisis, postremas decrevit quas decennium preffrerat, machinas immanitati hominis frangendæ obuerteret. Nullam haec tenus cuiquam villo indicio, suspicionem vel minimam ex quo Indiam intrarat, factò dictoue fecerat, Apostolici Nuntij quem gerbat; unum eius habebat consciunt Goanum Episcopum, silentio & humilitate potestate hanc suam sic semper tenuerat (ut R. Rotæ loquuntur Cognitores) tanquam gladium in vagina reconditum, stringenda hæc illi vel inuito hic fuit, in tanti ad rem Christianam detrimenti angusto; & si parum prodeisset intentasse, torquenda etiam, atque defigenda. Quammodestissime igitur, & placidissime potuit prolati Vicario diplomaticis quatuor, quibus se Pontifex Apostolicum crebat Nuncium, denuntiari Ataidi iussit anathema quo tenebatur vincitus, si eorum executionem elidere pergeret; at is calcato salutari metu, & belluinum in morem efferratus, quod secum, viro scilicet tanti, minis ageretur, eam in Xauerium stomachi rabiem vomuit, iisque famam illius traduxit probris, ut ad ea stuparent etiam ethnici: parum erat vocare insignem hypocritam, fastuosum, usurpatorem dignitatum, quæ cadere in flagiosum, ut is erat minime poterant; fautorem denique ambitionis mercatoris, & ebrij: quæ suo ipsem furore ebrius, & amens dum vociferatur, audiebatur ex palatijs fenebris, aduersus anathema & sanctum Apostolum declamans; si tanta illum captandi ab ethnici honoris cupido agitaret; proficeretur sanè in Brasiliam & Menomopam, campum illic ingentem patere, in quo sibi nomen, & decus faceret. Sinas sibi petendos relinqueret, ex quibus ipse plus esset auri, & Incri facturus, quam animatum, cum suo Pereira M. Franciscus. Ut autem seruorum ingenia dominorum impetus bonos, malos, quod tuunt secum abripiunt; incredibile sit quot conuitiis, & contumelias quam propadiosis insectati sint sanctum Patrem Ataidis servi, turba vili ex luto,

luto, improba, insolens, herilis gratiae ambitu aduersus eum quem herus oderat gaudens impudentior videri. Tradunt qui tunc rebus praesentes aderant, non potuisse sanctum domo pedem efferre, quin manipulum haberet obuium aulicæ eius fœcis, à quibus incessebatur fœdus, atque indignius quam postremus è stabulis agaso; falsusque est Francisco Perez Xauerius, annis decem quos in India eggerat, nunquam se tam dira, nec inter Ethnicos, & Barbaros passum. Lugebat ad hæc omnes boni, praesertim ciues; nemo iis ora ocludere, seu pro commerito dentes excutere, ne domini quoque in se odia verterent: Xauerius quod se, hoc est sanctum, decebat pati, & perpeti serenus; vultuque vt animo tranquillus, sed Araidis exitio dolens, sibi que irascens, peccatis suis infelicitatem legationis eius tribuere, quæ tantum gloriae Deo, tantum Sinis bonorum fuisset allatura. Digna est exscribi epistola, quam is Malacæ consensurus ad Iacobum Pereiram carissimum suum salutatoriam, & ultimam dedit, cum amplexu absenti, quem vetabat dolor praesenti ferre. [ Postquam, ait, meorum grauitas scelerum id egit, vt Deus nostram in Sinas respueret operam; non video aliud superesse, nisi vt omnem in me, ac mea peccata culpam coniciam, tot ac tam inmania, vt mihi non vni, sed per me tibi, rei tuæ, & tuis sumptibus in legatione paranda effusis nocuerint. Nouit attamen Deus qua mente erga se, qua erga te fuerim, quæ nisi fuisset rectissima, dolore profecto non consolabili torquerer. Recipio me in nauim, vt tuos socios deuitem, qui me requiritant vndique, & sape imuento coram flent, conclamantque; nisi derut transitus, se periisse. Parcat Deus tantæ ruinae auctori. Vnum te obsecro, ne ad ne conuenias, tua enim clade necesse est, meus vehementius ingrauescat dolor. Confido nihilominus, iacturam hanc, tibi lucro versuram, Regemque ( quod eum per literas rogaui ) certò repositurum condigna præmia, tuæ illi ad religionem propagandam propensæ liberalitati. Praefecto qui tantum irarum exeruit, vt profecionem Christianitati tam necessariam transuersus fisteret, vale ultimum dixi. Calamitatibus doleo, quas huius est, multo quam sibi, singat seneiores. Deus te seruet incolumem, sitque mihi in hoc itinere dux, & comes. Amen.]

Quamvis autem commendatitias ad Regem pro Pereira scripsisset litteras, at de Araide penitus siluit, iis que Araides fraude interceptis, & magna diligentia perleatis, nec verbum contra se accusationis, ac ne querulum quidem de se deprehendit. Quid si scisset illum quotidie, Deo pro se ad aram facere, si prece assidua, multisque lacrymis, sanores sibi cogitationes, & sui liquido sceleris conscientias ab eo flagitare? mutasset opinor, si minus animum, saltem inpiam linguam, qua illum pro simulatore sanctitatis, & falsario infamarat. Sed Deus hoc beneficio indignum censuit, maluitque illatas seruo suo iniurias vlcisci, quam illas eius preibus donare, quod doctus diuinitus præmunitauit Xauerius, nimisrum Ataidem Magistratus sui tempus legitimum minimè expleturum, sed ea

K K 3 hono

I 7

Vlcscitur  
Deus Araidis  
scelus, vt à  
Xauerio præ-  
dictum fuerat.